

6D030100 «Құқықтану» мамандығы бойынша (PhD) философия докторы дәрежесіне ізденуші Жанат Кокеновна Каражанованың «Квазимемлекеттік және жекеше секторлардағы сыбайлас жемқорлыққа қарсы іс-қимыл (қылмыстық-құқықтық және криминологиялық аспектілері)» диссертациясына ғылыми кеңесшінің

ПІКІРІ

Ж.К. Каражанованың «Квазимемлекеттік және жекеше секторлардағы сыбайлас жемқорлыққа қарсы іс-қимыл (қылмыстық-құқықтық және криминологиялық аспектілері)» тақырыбындағы PhD докторлық диссертациясы қазіргі уақыттағы өзекті мәселелерге арналған.

Бүгінгі күні квазимемлекеттік және жекеше секторлардағы сыбайлас жемқорлыққа қарсы іс-қимылға ерекше көңіл бөлініп отыр, себебі бұл секторлардағы сыбайлас жемқорлық мемлекеттің тұрақты өркендеуіне кедергі келтіріп, коммерциялық тауарлар мен қызмет көрсетудің бәсекелестігіне жол бермей, мемлекет экономикасының қалыпты дамуына кедергі келтіруі мүмкін. Жалпы жекеше сектор ел экономикасының 1/3 бөлігін алғандықтан, одан келетін зардап мемлекеттік сектордағы сыбайлас жемқорлықтан кем болмауы ықтимал. Ал квазимемлекеттік және жекеше секторлар экономика саласының көп бөлігін алғандықтан, осы бағыттағы сыбайлас жемқорлыққа қарсы іс-қимыл экономиканың дамуына өз үлесін қосатыны сөзсіз.

Диссертант жүргізген зерттеу квазимемлекеттік және жекеше сектордағы сыбайлас жемқорлық әрекеттері үшін жауаптылық қарастырған құрамдардың толық жетілмегендігін көрсетіп отыр. Сондай ақ, қылмыстық заңнамадағы квазимемлекеттік және жекеше секторлардағы сыбайлас жемқорлықтың зиянын түсіну, оларды дұрыс саралау, олардың ерекшеліктерін білу, оларға қарсы іс-қимыл шараларын жетілдіру бағыттары әлі күнге дейін толық шешімін таппай отыр. Демек мемлекеттік сектор субъектісіне жекеше сектор субъектісін жай ғана теңей салу қылмыстық құқық ғылымында бұл мәселені бірден шешпейді, бұл бағытта жан жақты кешенді ғылыми зерттеу жүргізу керек.

Ізденуші квазимемлекеттік және жекеше секторлардағы сыбайлас жемқорлықтың тарихи аспектілерін зерттеп, сыбайлас жемқорлық ұғымының қалыптасу мәселелері жөнінде шетелдік және отандық ғалымдардың пікірлеріне салыстырмалы талдау жасаған. Квазимемлекеттік және жекеше секторлардағы сыбайлас жемқорлық қылмыстық құқық бұзушылықтарының объективтік және субъективтік белгілеріне қатысты отандық қылмыстық заңнаманы жетілдіру ұсыныстарын жазған. Сондай-ақ, квазимемлекеттік және жекеше секторлардағы сыбайлас жемқорлық қылмыстық құқық бұзушылықтарына қарсы іс-қимылдың криминологиялық аспектісін толық талдап, квазимемлекеттік және жекеше секторлардағы сыбайлас жемқорлық қылмыстық құқық бұзушылықтарына қарсы іс-қимыл шараларын нақты берген.

Зерттеу жұмысының нәтижелері еліміздің облыстық соттарында қаралған 100 жуық қылмыстық істердің материалдарымен, Қазақстан Республикасы Бас

прокуратурасы Құқықтық статистика және арнайы есепке алу жөніндегі комитет мәліметтерімен дәлелденеді.

Диссертация бойынша тұжырымдар отандық және шетелдік заңнаманы салыстыру жолымен жасалған. Зерттеу барысында алынған тұжырымдар мен қорытындылар ғылыми мақалаларда жарық көрген.

Диссертант өз жұмысында қылмыстық және сыбайлас жемқорлыққа қарсы заңнама нормаларын тәжірибеде қолданудың тиімділігін зерттеп, квазимемлекеттік және жекеше секторлардағы сыбайлас жемқорлық құқық бұзушылықтарына қарсы іс-қимылдың жаңа шараларын қарастыруға ұсыныстар жасаған.

Диссертациялық зерттеудің шынайлық деңгейі мен ғылыми жаңалығы диссертацияның толық аяқталған кешенді зерттеу екенін көрсетеді.

Жанат Қокеновна Каражанованың «Квазимемлекеттік және жекеше секторлардағы сыбайлас жемқорлыққа қарсы іс-қимыл (қылмыстық-құқықтық және криминологиялық аспектілері)» тақырыбындағы диссертациялық зерттеу жұмысы зерттеу жұмыстарына қойылатын талаптарға сай келетін, кешенді жұмыс. Демек оның авторы 6D030100 «Құқықтану» мамандығы бойынша (PhD) философия докторы дәрежесін алуға лайық деп санаймын.

**Ғылыми кеңесші,
з.ғ.д., профессор**



Смағұлов А.А.

«15» мамыр 2019 ж.